

Zaj Cob Kaus

1. Hais... zoo liv kuv, zoo liv kuv os! Zoo li laj tub laj sis yau neb nyob lawm cuaj hnuv kev sib **zus**, los kuv niam kuv txiv sablaj li zus nqa dej nqa cawv tuaj thov lawm neb lub zog **txuj** nis.

Zoo li laj tub laj sis yau neb nyob lawm cuaj hnuv kev sib **zam**, los kuv niam kuv txiv sablaj li zus nqa dej nqa cawv tuaj thov lawm neb lub zog **tag** nis.

2. Zoo li laj tub laj sis yau neb xav zoj tias neb tsis **pab**, los neb xav li ntsees tias ua neej tib neeg ib leeg thov lawm ib leeg lub dag cos lawm lub zog **tag**, neb xav li ywm tias tsam hnuv qab tuaj rov nram tws neb muaj ntshais yuav qua, muaj tub yuav mus muab **nyab** es neb thiaj li ntaug taw li ntuav rov tuaj **pab** no nis.

Zoo li laj tub laj sis yau neb xav zoj tias neb tsis **ua**, los neb xav li ntsees tias ua neej tib neeg ib leeg thov lawm ib leeg lub dag cos lawm lub zog **txhua**, neb xav li ywm tias tsam hnuv qab tuaj rov nram tws neb muaj tub yuav mus muab nyab, muaj ntshais los yuav **qua**, es neb thiaj li ntaug taw li ntuav tuaj **ua** no nis

3. Zoo li laj tub laj sis yau neb ntaug taw li ntuav tuaj txog, kuv niam rub rooj zog rau neb **zaum**, kuv txiv nkaus hlo kab paj luam yeeb rau neb **haus**. Kuv niam rub luaj zog rooj rau neb **nyob**, kuv txiv yuav nkaus hlo kab paj luam yeeb rau neb **xo** nis.

Zoo li kuv niam txus zoo **siab**, kuv niam ntim txuj mus tua lawm pwj **qiab**. Kuv txiv txus zoo **plawv**, kuv txiv ntim ci mus txo lawm ntsis **cawv** no nis.

4. Zoo li kuv niam kuv txiv ua nqaij ua hno rau neb **noj**, ces nws yuav tso li pluav plaj tshoob ntsis kos rau neb **coj** nis.

Kuv niam kuv txiv nws yuav txo dej txo cawv rau neb **haus**, ces nws yuav tso li pluav plaj tshoob ntsis kos rau neb **taug** nis.

5. Zoo li kuv niam kuv txiv ua nqaij ua hno rau neb noj mus puv **plab**, nws yuav muab niam nkauj kaus cob li nkaus neb tej mus quav **npab**, ces yuav vam kom neb yoj kaus li yees los roos nkauj nyab nraug vauv rov mus ywm **kab** nis.

Zoo li kuv niam kuv txiv ua nqaij ua hno rau neb noj mus puv **cev**, nws yuav muab niam nkauj kaus cob li nkaus neb tej mus quav **tes**, ces yuav vam kom neb yoj kaus li yees los roos nkauj nyab nraug vauv rov mus ywm **ke** nis.

6. Zoo li, yuav vam neb lub plhu **nyiaj** mus ntaiv **txiaj**, es yuav vam neb lub plhu **ntsig** mus ntaiv **hli** no tis yuas txiv tuam mejkoob lwm meeikoob es.